

CHANSON

AR

SEIZ SQIENT NATUREL.

Voar eun ton agreabl.

Apollon, Mercurius, Venus ha Jupiter,
C'houi a delc'h var an douar an amitie sincer,
Hac a ra d'an dud yaouanq en em garet parfet,
Prestet d'in hoc'h asistanç, me ho ped, eur momet.

Sperejo celestiel, astro ar firmamant,
Me a deu d'hoc'h implori, gand eur galon ardant,
Da rei an talanchou a bere m'eus ezom
D'espliquan ar propojo arretet em c'halon.

Abostolet evurus, hanvet an Ebestel,
D'hui a ro instruction d'ar gristenien fidel,
Pa'n oc'h choaset gant Doue 'vit prezeg ar lezen,
Chilaouet he grouadur, exaucet va feden.

Rouanez an amitie, princes ar yauoanqis,
Moïses a Jeremi, chefo deus an llis,
Ha c'houi, carante dener, zourcen an deliço,
Deus a gomso eloquant ramplisset ma gueno.

Ne c'houlennan qet antren 'bars en theologi,
Na mont da guemer affer ous an dud a studi;
Ar belec, an arc'hescop hac an den a bluen
Ne garfent quet'no enor divanqan an asen.

Breman c'houlenan avis an autoriteo ,
'Vit n'o devo get a lec'h da reproch ma c'homso ,
Hag evit cavet repos da furchal ma speret ,
Ec'h an d'antren en ilis, lec'h on bet badeet.

Patronez ar barous-man , ma c'harante divin ,
Prosternet on dira-z-oc'h var beno ma daoulin ,
Juntet ganin ma daon zorn , digor ma daoulagad ,
O sellet trezeg an env da c'houlén ar mennad.

Guir Vad an Tad Eternel , ma salver admirabl ,
Me so deut d'hoc'h adori beteg ho tabernacl ;
Disquennet , mar plij guenac'h , eur sell a drugare
Var an hini disteran dimeus ho pugale.

Me a so un den yaouanq zavand ha dizourci ,
'Boue an oad a daouzec vloa on poursu ma studi ,
Am eus c'hoant da discleria ma bue malerus ,
Mar manqan dre ignoraç , a c'houlenan excus.

Me ho suppli , Genitor , mestr ar scrivagnerien ,
Croguet breman bars em dorn , conduit ma fluén ,
Ha c'houi , tad ar sclerigen , poset var ma speret ,
'Vit ma scrivin pen-da-ben ma buez dremenet.

Mar'm ije bet un talant 'vel en defoa sant Paul ,
Hag eur voes qen agreabl evel eur rossignol ,
Da riman eur son nevez , me laqje ma speret ,
En enor d'am mestres coant , ma guir vuan caret.

Mes me a c'houlén faveur quent 'vit commanç ganti ,
Rouanes an oll ele hac hini ar Messi ,
Ar seiz sqient naturel hac ar seiz planeden ,
Da rei d'in o ajistança da boursu ma reglen.

Me'm eus choaset 'vit mestres fleuren ar yaouanquis
Brillantoc'h evit ar ros ha 'vid ar fourdelis ,
Agreaploc'h da barlant 'vid an ele memes ;
Gredan get a man he far 'bars er rouantelez.

Quentan 'moa bet an enor da velet ma mestres
A oa en pardon san Min, gand he c'hamaradez ;
O vale hag o bourmen evit he fassetans,
Eno e defoa piqet ma c'halon gant eul lanç.

D'ar c'houls-se me oa yaouanq o commanç studiant
O boursu ma avantur mesq a re zavantan ;
Ma c'horf a vije er scol, mes allas ! ma speret
Gand ar bouqet florissant a vije occupet.

Demeus an oll scolarien, me oa en assuranc,
Ar c'hentant, ha goude se ne oan qet 'vit avanc.
Ha me o sonjal, un de, monet beteg he zi,
Gand eur galond languissant da velet anezi.

Me o salud, merc'h yaouanq, objet ma c'harante,
Me a so deut d'ho cavet an devez a hirie
Vit laqad un tam amser, mar be d'ho fantasie,
Da gontan d'ac'h ma doare ha clevet ho hini.

Den yaouanq, leun a furnez, me ho salud ive,
'Vel m'en defoa gret goejall ar Sænt hac en Ele
Pere ie voar an daolin dirag ar Messias
Var lein mene Calver pa oa 'touguen he groas.

Ober ret d'in un enor hag a so agreabl,
Gand ho comso familier hag ho bolonte vad ;
C'houi eo an hini garan muan, en assuranc,
Nemet de Zoue bebqen ne rofen preferanc.

Sellet Roue on envo en eur gadoar voen,
Var lein miene Sinaï, o scrivan he lesen,
Dre behini e tifen ous e oll vugale
Donet d'en em draissan an eil hag eguile.

Me lar d'ac'h en guirione aman, ma servijer,
Oc'h eus goneet ma c'halon dre gomso saluter,
Ha, pa gaffen mab eur princ, evel ne gavin qet,
Ne desirant nemedoc'h 'vit beant ma fried.

Ho propojo ravissant a blij d'in , ma mestres ,
Ha rejouiss ma c'halon , ma n'oc'h qet traïtours ,
C'houlenan netra dianac'h , qu'en evid ho quittä ,
Evit ar veaj quentan , 'met bean'n ho craç vad.

Arsa 'ta , ma servijer , couls eo dimp finassan ,
Me a deu da laret d'ac'h quen a vo ar c'hentan ,
Ous ho pidi da retorn hep dalet d'am guelet ,
Ma graç vad a vo ganac'h partout lec'h mac'h efet.

'Vid an eil guech , a gredan , me o mont da vale ,
Gand eur speret qen contant 'vel hini an Æle ,
Da velet ma mestres coant , rouanes ma c'halon ,
Hini'n deus ma ramplisset a gonsolation.

Bonjour ha joa , ma mestres , rouanes ar fleurio
A guement so bet biscoas plantet ebars er vro ,
Brillantoc'h evit an heaul , scleroc'h evit al loar ,
Puissantan merc'h yaouanq a so voar an douar.

Me a garje bean bet eloqanç Ciceron ,
Pe autramant ar furnes en defoa Salomon ,
Eur guenau gret en arc'hant hag un teaud alaouret ,
Da barlant en ho presanç evel ma veritet.

Pa'z oc'h deut beteg aman dre garante parfet ,
Me a rent d'ac'h ar salud gant enor ha respet ;
'Mije gouvét er feçon hag an tu da barlant ,
A vije ma brassan joa plijout d'ho sentiment.

Mes me so eur plac'h yaouanq 'neus ar speret dister ,
N'en on qet bet studiet 'veldoc'h , ma servijer ,
C'houi a oar scrivan ha len ha me n'hen ouzon qet ,
N'allan qet coms eveldoc'h , rac se ma escuset.

Ma mestres , c'houi so furoc'h evid ar Salomon .
Ma vije permetet d'in digor d'ac'h ma c'halon ,
C'houi'n ije guelet enni gravet an amitié
Hini am eus evidoc'h gant guir humilite.

Bars en prison Pharaon te en defoa plantet
Joseph , ar santelan den deus ar patriarchet ,
Pa oa bet faos accuset gant pried Putiphar ;
'Boe ma eo crouet ar bed ec'h oud voar an douar.

Te attaq an dud yaouanq memes var o enor
Gand eur voues qen eclatant a ia beteg ar mor ,
A deu da lemel diante un tensor excelant ,
Precius soc'h 'vit an aour hag evit an arc'hant.

Abalamour d'he ligne ec'h espernin Judas ,
Hag avanç 'bars histoar betec Herodias
Pini gonsellas he merc'h , dre un avis traitour ,
Da c'houlén var un assiet pen sant Ian-Vadezour.

Lar d'in , teaud milliguet , ma n'en oud qet contant
Bean guerset Map Doue ha dibenet eur sant ;
P'ach oud en 'pad an amser o clasq dont da laqâd
Ar mein-be var an douar da ruan gant ar goad.

Ne bad pelloc'h ma c'halon da brezec varnean
Pardon ha misericord a c'houlénan 'vitan ,
M'en defo cun ha glac'har dimeus he bec'hejo ,
Ha m'an em gontvertisso bete fin he zeio.

P'antreis em c'habinet gant desolation
En sell da gavet un dra a gonsolation ;
Ac'h is da len a lizer am boa bet diant he zad ,
Pa digoris anean , m'en defoa calonat.

Ma c'halon so glac'haret , ma Doue , pa sonjan
Bet on welet ma mestres 'vid ar voech divezan
Roët eo d'in m' c'honjet scrivet var baper goen ,
Ma c'houitanç en general d'he dilesel a gren.

Me oa tri de a taer noz hep dibri nag evan
Na qen nebeut hep repos : na rent nemet goëlan ,
Dre ma renqen separi , hep bean meritet ,
Deus fidelan merc'h yaouanq anavan var ar bed.

An dried de a scrivas qelo d'he c'hamarat,
Ha me res dezi respont divar lizer he zad :
Prononcet eo an arret enep d'ho serviger,
C'houi iel breman d'ar gouent ha me chomo er guer.

Pa oan ebars ma studi o len ma levrio,
Ma welet quazi maquet, beuet gant an daëro,
E renquis o dilezel ha mont da pazeal ;
Ha me qemer ma fusuil 'vit mont da chasseal.

Arri 'bars en creis ar c'hoat me oa fatig bras,
Ha me da guemer repos eno var ar yeot glas.
Hag evel eur vadalen, commanç da deplori,
Ne oa med Doue hepgen capabl d'am c'honsoli.

En creis ma brassan glac'har o sonjal em mestres
Qazi 'vel dre eur miracl a velis eun heies.
En em strinquas d'am daonlin evit ma saludi,
Inspiret a beurs Doue da dont d'am c'honsoli.

Me ho ped, galand yaouanq, arretet ho taëro,
Ha leget ho confianç en crouer an envo :
Doue a'n eus ar pouar da gonsoli an oll,
Da neb a fio ennan na'n ei james da goll.

C'houi a so var an douar 'bars en displijadur,
Noc'h eus defot a netra, ma queret bean fur,
Ha me ha so ho vevanch ebars er foreso,
Hag a guemer plijadur da usan ma deio.

Eno e colis memoar, deus ma mestres fidel,
Ha credi n'oamp qet choaset gant Doue eternal
'Vit bean var an douar assembles unisset ;
Graç d'imp da vean eun de en pales an Drindet.

Neuze retornis d'ar guer 'vel pa'm ije nijet,
Toman re ma goad ouzin, ne santen qet querzet ;
Ma speret a oa qen scanv, ma c'halon qen joaüs,
Evel mac'h eo bars en env an Æle evurus.

Mar boe goejall ma c'halon carguet a disesper,
Breman me so gen ezet evel eun ec'houeder.
Pini ia beteg an env ha retorn d'an douar ;
Adieu laran d'an tourmant, achu eo ma glac'har.

Madelez oll-buissant, roue an oll Æle,
Me rent d'ac'h presentamant graço a drugare,
P'oc'h eus roet din ar c'hraç, roue ar firmamant,
Da finissan ma chanson joaüs ha triomphant.


Homan so eur son nevet rimet ha composet
Gant eur scrivagnier yaouanq dimeus a Lanrodec,
So ganet ebars er bloa mil eiz cant hag ugent,
De diaroc goel ar Verc'hes a ve 'bars en Avant,

Ha 'vid esplican he noad d'an oll dud ignorant,
Tri mis ha pevar ugent en tu all da daou c'hant :
Ebars en canton Plouagat eo ganet ha maguet,
Hag he hano scrivet mad so GILLES MORDELLET.

Mar 'm eus drouc-laret netra gant ma fragilite,
C'houlennan escus ous an dud ha pardon ous Doue,
Hag ouspen a tisiran da guemend he c'hlevo
Ar boneur da jouissan deus a c'hloar an Envo.

FIN.

Mar doe goeijl ma e' helen carnet a disaper.
 Breman me so den ewel ewel een se' hoesden.
 Lini in beteg an eny hz telien d' an doort;
 Adien lann d' an tourant achin en ma glachhar.



Modelen off-
 Me rent d' de
 Proch aus re
 Da haisan
 Hounso
 Gant sur so
 So gant
 De d' hroo
 Ha' vit esp
 Tri mis ha
 Ebars en
 Hag be han
 Mar in eus
 C'houlema
 Hag ouper
 Ar bouen